

155

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 9297.1100 B



玉海卷第一百九十八

浚儀王應麟伯厚甫

祥瑞

動物

龍

大皞龍紀

景龍

神龍負圖

左傳大皞氏以龍紀注有龍瑞以龍命官

宋志宓

犧氏受龍圖畫八卦有景龍之瑞赤龍河圖者地之

符也王者德至淵泉則河出龍圖

漢百官表注庖

羲將興神龍負圖而至因以名師與官

張衡賦龍

哈佛大學漢和
圖書館珍藏印

圖受羲龜書畀妣。帝王世紀太昊有景龍之瑞故以龍紀官。

黃帝龍見

史封禪書漢公孫臣云黃帝得土德黃龍見索隱曰

出呂氏春秋

淮南子黃帝治天下而力牧泰山稽

輔之青龍進駕。魏文帝雜占云黃帝錄圖五龍舞

河

黃帝龍負圖 舜黃龍負圖 堯龍叙圖

河圖黃龍負圖授黃帝黃帝夢兩龍授圖有魚沅白

舜即位黃龍五采負圖以黃玉為柙王檢金繩芝

為泥。顧野王符瑞圖黃帝世魚龍負圖從河中出

付黃帝虞舜時黃龍從洛水出詣舜鱗甲成字舜即

位與三公臨觀黃龍五采負圖出舜前。文選石闕

銘納龍敘之圖注赤龍負圖以瑞堯。尚書中候堯

即位七十載修壇河洛仲月辛日禮備至于日稷榮

光出河龍馬銜甲赤文綠色臨壇吐甲圖堯火德故

赤龍應焉。舜沈璧于河榮光休至黃龍負圖。瑞應

圖舜東狩黃龍負圖置舜前。典引升黃輝采鱗於

沼注黃龍。唐有黃龍負圖旗。宋志黃龍四龍之

長德至淵泉則黃龍遊于池

堯龍圖

宋志堯觀於三河常有龍隨之龍負圖而至其文曰亦受天祐舜設壇于河至于下具榮光休氣至黃龍負圖長三十二尺廣九尺出於壇畔赤文綠錯其文言當禪禹元命苞堯遊河渚赤龍負圖以出圖赤如練

禹二龍 黃龍負舟

括地圖禹平天下二龍降之禹御龍行域內既周而還宋志禹即位洛出龜書六十五字是為洪範南巡狩濟江中流有二黃龍負舟云云龍曳尾而逃

吳越春秋禹會諸侯於塗山執王帛者萬國濟河黃龍負舟舟中人懼禹仰天嘆曰吾受命于天竭力而勞萬民何憂於龍焉視龍猶蛻蛭顏色不變龍俛首低尾而逝博物志夏德之盛二龍降之禹使范成光御之以行域外山海經大樂之野夏后啓於此舞九代馬乘兩龍封禪書夏得木德青龍止於郊

周青龍銜圖

尚書中候摛雒戒周公旦即攝七年鸞鳳見萇莢生青龍銜甲元龜背書宋志周公旦與成王觀於河洛沈璧禮畢王退俟至于日昧榮光並出幕河一作塞河

青雲浮至一作浮洛青龍臨壇銜元甲之圖吐之禮于洛亦如之元龜青龍純蒼光止于壇背甲刻書赤文成字周公援筆寫之

漢龍見 八龍

漢文帝十五年春黃龍見成紀上乃下詔議郊祀服色宣帝甘露元年四月黃龍見新豐二年春正月詔曰黃龍登與黃龍元年二月見廣漢因以冠元伏候古今注高祖五年見華陽池十餘日九年見長安五年鳳四年出廣漢甘露元年見新豐二年見上郡騰躍五色升天丞相以下上書時成帝鴻嘉元年冬見真定

永始二年見東萊光武建武十二年六月黃龍見東

阿章帝建初三年見汝南五年八月零陵獻芝草有

八黃龍見於泉陵古今注曰見零陵泉陵湘水中

論衡前世龍見不雙芝生無二甘露一所今上嗣位

以來八龍並出十一芝累生甘露流五縣德盛故瑞

繁也今上謂東觀記元和二年黃龍四見宋志

元年以來至章和元年凡三年黃龍四十四見郡國

元和中青龍白龍見郡國封禪書宛宛黃龍與德

而升招翠黃乘龍於召

魏黃龍見 龍陂 青龍

魏志黃初三年黃龍見鄴西漳水北海王褒上書贊
頌詔曰昔唐叔歸禾東平獻頌青龍元年正月甲
申青龍見郊之摩陂井中二月丁酉幸摩陂觀龍改
陂為龍陂高堂隆傳青龍中復宗華殿時郡國有
九龍見改曰九龍殿繆襲青龍賦見初學記劉
劭龍瑞賦太初七年春龍見摩陂

晉龍見郡國

泰始元年十二月武帝初受禪白龍二見于郡國二
年青龍十黃龍九見洪農澗池五年青龍十見于榮
陽二月辛巳白龍見于趙國六年夏四月白龍二見

于東苑咸寧二年六月丙申白龍二見于新興井中
十一月白龍二見梁國太康元年八月白龍三見于
永昌三年閏四月巳丑白龍二見于濟南五年正月
巳亥癸卯青龍二見于武庫井中六年八月白龍一
見京兆九年十二月戊申青龍黃龍各一見魯國
宋元嘉二十五年黑龍見元武湖北

唐龍見

正觀三年五月癸亥龍見玉女泉二十年十一月汾
州言青龍白龍見白龍吐物初在空中有光如火至
也陷入地二尺掘之得元金太宗生有二龍之符

嘉靖丁巳年二月二十八日 監生吳中良刊

龍池 見前 柳宗元有賀滄州進白龍見圖

唐黃龍再見

景龍二年六月十五日黃龍再見於牛山潘炎賦曰非同上天之五蛇有異渡江之一馬秦夢立乎廊時漢時見于成紀彼皆一至此則重光錯甲鏤鱗分官紀號超紫鳳於丹穴越青鸞於女牀二年九月五日見于上黨伏牛山之南岡賦曰龍之至兮歸有德符於黃芎土之色將銜甲以無比與負舟而不同

祥符崇政殿觀龍

五月二十八日丙午召輔臣於崇政殿北廊觀

中使任文慶於茅山郭真人池所獲龍體長二寸許鱗細腹如玳瑁帝作觀龍歌復送茅山池

麟 瑞獸

黃帝麒麟在囿 漢白麟

馬融廣成頌宿麒麟於西園注尚書中侯曰黃帝時

麒麟在囿 漢武紀元狩元年冬十月幸雍祀五時

獲白麟作白麟之歌朝隴首覽西垠雷電秦元封元

年用事華山至于中嶽獲駁鹿郊祀志郊雍獲一

角獸若鹿然有司曰陛下肅祗郊祀上帝報享錫一

角獸蓋麟云於是以薦五時時加一牛以燎賜諸侯

白金以風符應合于天也注改元符元年終軍傳

獲白麟一角而五蹄宋志漢武太始二年三月獲

白麟司馬相如封禪書犧雙觝共抵之獸濯濯之

麟游彼靈時孟冬十月君祖郊祀馳我君輿帝用享

祉班彪傳注太始二年獲白麟司馬遷在史記絕筆

黃帝白鹿南夷獻鬯澤獸

宋志黃帝時南夷乘白鹿來獻鬯澤獸黃帝時循狩

至於東濱澤獸出能達知萬物之精以戒於民為特

除害賢君明德幽遠則來跣蹄者后土之獸自能言

語王者仁孝則來禹治水而至說文神人以薦遺

黃帝

湯白狼銜鈎

宋志湯云有神牽白狼銜鈎而入商廟白狼宣

王得之而犬戎服公羊疏宋氏云命以赤鳥故周

尚赤湯以白狼故尚白禹以元珪故尚黑田俅子

成湯都亳有神手牽白狼口銜金鈎而入湯庭論

衡湯起白狼銜鈎郭璞白狼贊應符變質乃銜靈

鈎惟德是適出殷見周瑞應圖王者仁智明哲即

至動準法度即見周宣時見而犬戎服崔融賀白

狼表金精景鑠王毳霜翹

萬曆曆... 監生東金...

周麒麟遊苑

宋志成王麒麟遊苑 易正義周時獲麟乃為漢高

之應漢時黃星後為曹公之兆 吳越春秋禹云云

鳳凰棲於木麒麟步於庭 蔡邕麟頌曰皇哉大角

降生靈獸視明禮脩麒麟來乎 在郊舞質游時呈祥

宋志九尾狐文王得之東夷歸焉漢章帝元和中九

尾狐見郡國 穆天子傳甲辰天子獵于滂澤得白

狐元貉以祭于河宗

漢騶牙 白鹿 白虎

史記建章宮後閣有物狀如麋東方朔曰騶牙也遠

方當來歸義而騶牙見其後一歲昆邪王降 封禪

書武帝苑有白鹿以其皮為皮幣以蒺瑞應造白金

馬 宣紀神爵元年詔曰元康四年南郡獲白虎

後漢紀章帝建初七年十二月癸丑幸長安進幸槐

里岐山得銅器又獲白鹿 宋志十月得白鹿於臨平

鹿見元和二年彭城安帝延光三年七月馮翊潁川白鹿

見六月扶風言白鹿見雍 伏侯古今注孝和永元

中豫章餘干得白鹿高丈九尺 鄭弘傳為臨淮太

守白鹿方道俠轂而行 宋志白鹿王者明惠及下

則至不暴則白虎仁 瑞應圖天鹿純善之獸 王

萬曆十六年 三母天二百九十八 監生孫應貴

三才卷之二十一
四百〇五字
應
袞講德論昔文王應九尾狐而東夷歸周武王獲白
魚而諸侯同辭周公受和鬯而鬼方臣宣王得白狼
而夷狄賓今南郡獲白虎亦偃武興文之應也獲之
者張武武張而猛服也是以北狄賓洽

漢騶虞

司馬相如傳囿騶虞之珍群般般之獸樂我君囿白
質黑章其儀可喜收收穆穆君子之態師古曰謂茲
爾於舜虞氏以興文類曰百獸舞則騶虞在其中矣東京賦囿林
氏之騶虞注林氏山名騶虞義獸山海經曰林氏有
珍獸大若虎五采畢具尾長於身其名騶吾乘之日

行千里劉芳詩義疏曰騶虞或作吾

三禮圖尚書

大傳說散宜生等之於陵氏取怪獸尾倍其身名曰

虞鄭云蓋騶虞也周書曰英林酋耳若虎豹尾長參

倍其身

於陵英林聲相近

孫氏符瑞圖云白虎西方義獸

白色黑文晉中興書白虎尾參倍其身

詩注騶虞

義獸也白虎黑文不食生物有至信之德則應之疏

鄭志張逸問傳白虎黑文谷曰周史王會云

周禮

疏異義韓魯說騶虞天子掌鳥獸官

賈誼書云騶

者天子之囿也虞者囿之司獸也

典引擾緇文

造資於郊

漢馴象

武紀元狩二年夏南越獻馴象應劭曰教能拜起周章從人意也

漢黃支犀

平紀元始二年春黃支國獻犀牛注應劭曰黃支在日南之南去京師三萬里師古曰犀狀如牛四足類象黑色一角當額鼻又有小角章紀元和元年正月日南獻生犀白雉前西域傳烏戈有桃拔一名鹿似師子犀牛後西南夷傳永元六年永昌郡徼外莫延慕義遣使譯獻犀牛大象

漢九真奇獸

宣紀神爵元年二月詔曰迺元康四年九真獻奇獸注晉灼曰漢注駒形麟色牛角仁而愛人西都賦九真之麟注同宣紀大宛之馬黃支之犀條支之鳥殊方異類至于三萬里爾雅注九真獵得一獸大如馬一角即驕也哀紀禁郡國無得獻名獸

漢白兔

光武紀建武十三年九月日南徼外蠻夷獻白雉白兔古今注成帝建平元年山陽得白兔章帝元和二年白兔見宋志白兔王者敬耆老則見章帝元

和中見郡國

魏黃初中郡國十九言白兔見

瑞應

圖王者思加耆老則見

抱朴子鹿兔壽千歲滿五

百歲則色白

晉泰始五年七月己亥見北海咸寧

二年十月癸亥見河南

元帝時王廙作白兔賦

通鑑外紀周宣王三十年有兔舞于鎬京

漢北海一角獸

麒麟見郡國

古今注章帝建初二年北海得一角獸大如麕元和

二年麒麟見陳

章紀章和元年七月壬戌詔曰乃

者鳳凰仍集麒麟並臻

東觀記麒麟五十二

安紀

延光三年七月潁川麟見

宋志元和二年至章和

元年凡三年麒麟五十一見郡國一角獸天下平則

至三角獸法度修則至

典引肉角馴毛宗於外囿

晉白麟

騶虞

晉紀武帝泰始元年十二月二年十二月麟見郡國

宋志云元年十月二月見南郡

咸寧五年二月甲午白麟見平原九

月甲午麟見河南太康元年四月白麟見頓丘成帝

咸和八年五月己巳麒麟騶虞見遼東簡文咸安二

年三月騶虞見豫章安帝隆安二年十月騶虞見新

野宋志元帝大興元年正月戊子麟見豫章郭

業麟贊薛綜有頌

晉白麋

宋志白麋王者刑罰理則至晉咸寧二年七月壬辰見魏郡天鹿者純靈之獸也五色光耀洞明王者道備則至角端者日行萬八千里又曉四夷之語明聖在位明達方外幽遠之事則奉書而至

咸康八年七月燕國言白貉見永和十二年九月甲申白兔見鄱陽太守王者之以獻并上頌一篇殷仲堪上白鹿表白者正色鹿者景福宋元嘉二十一年十二月白熊見新安

唐麟趾

高祖武德三年七月鄆州言麟見高宗龍朔三年十

月十六日絳州介山麟見二十六月含元殿前麟趾

見十二月庚子詔明年正月改元麟德銀其閣內憲

宗元和七年麟見東川段文昌平淮碑云見草木

疏麟麋身牛尾馬足黃色圓蹄一角角有肉音中鍾

呂行中規矩王者至仁則出公羊曰仁獸有王者則

至毛公曰信而應禮以足至者也正觀二十年

二月鄆州言一角獸見顯慶元年二月岐州獲一角

獸開元七年閏七月揚州奏一角獸見李嶠賀麟

亦表祥開紫掖瑞感元枵春秋緯歲星散為麟

機星得則麟生

隋義寧二年仁壽宮獲白麟更郡曰麟遊。

唐騶虞圖

武德二年六月澤州言騶虞見五年正月豐州言騶
虞見七年仁州見九年十月沂州言騶虞見太宗正
觀二年十月安州言騶虞見六年四月楚州見九年
閏四月衡州十年三月襄州十五年四月慶州十九
年二月徐州二十一年十月南代州見太和元年十
一月河中薛平奏虞鄉騶虞見畫圖進上百官稱賀
孫氏瑞應圖王者德至鳥獸澤洞幽冥則見白
居易有騶虞畫贊。

唐麟見

武德九年九月西麟州言麟見正觀三年五月乙丑
泗州言麟見九年十二月獲麟于德州十一年五月
麟見京師之後苑開元元年十二月麟見于峽州

唐白鹿

武德二年正月壬子麟州獻白鹿九年六月益州獻
白鹿正觀八年四月沂州言白鹿見十年二月見于
九成宮之冷泉谷十三年正月濟州獻白鹿十七年
閏六月丹州獻白鹿十八年八月趙州獻白鹿二十
年九月澤州見開元十三年五月甲午潞州白鹿見

二十三年二月丁未。縣州白鹿見。天寶四載八月戊子。有班鹿產白鹿于苑中。獻之上。曰：縞質。霜毛。變林虞之獸。族殊姿馴。性實雲駕之龍媒。正元十四年九月丁卯。中書賀苑中獲白鹿。元和十年五月。壽昌殿南獲白鹿。權德輿賀醴泉獲白鹿表。漢得之於槐里。齊獲之於敏丘。虞世南賦素羣呈采。霜毫應圖。李蒙上林白鹿賦。畫轡為飾。緣續稱珍。炯如玉。皎皎若霜。莖勁角昭。勇縞色呈鮮。質皜耀以霜潔。初離而玉秀。周因征伐而獲。漢自郊祀而錄。文帝初。郡國奏白鹿十九。見晉泰始八年十月。見

太康元年三月。見零陵。泉陵五月甲辰。見天水。元帝建武元年五月。見高山縣。太興三年正月。白鹿一見豫章。四月。見晉陵。延陵成帝咸和四年五月甲子。見零陵。洮陽七月。長沙獻之。九年八月。見長沙。咸康二年七月。見豫章。太元十六年三月癸酉。豫章守范甯獻白鹿。一十八年五月辛酉。見江乘。二十年九月丁丑。見巴陵。

唐白兔

開元十一年二月。赤兔見后土壇。蘇志。赤兔至十五年四月。彭州言白兔見。永泰二年。乾陵得赤兔。大曆

六年獲白兔於太極殿內廊正元十五年五月丁巳
延州進元兔十八年八月徐州獻嘉瓜白兔 柳宗
元賀表金風發祥白兔來擾告有秋之嘉應著成歲
於神功 韓愈賀徐州白兔狀瑞兔毛質潔白天馴
其心其始實得之符離安阜屯兔陰類也又窟居狡
而伏逆象也今白其色絕其群也馴其心化我德也
人立而拱革而從人且服罪也符離實我國名在軍
田武德行也不戰而來之道也 正元十二年太
原李諒進嵐州白兔狀白為正色兔實仁獸皓質玉
立素毛霜垂清明不遜於殷狼較繫可齊於周鹿標

中瑞之科皓然養素恬爾守柔方弘三面之仁果應
千齡之瑞 權德輿賀河陽白兔云惟此瑞獸是稱
月精來應昌期皓然雪采純孝之感 蔣防賦乘金
氣而來因月輪而下飲王池食瑤草冰光雪影 賀
表豈比魯傳趙郡獨歌如練之詞實同晉獲壽春又
繼疑鉛之詠 來從月窟豐霜毳以蒙茸獻自梁園
粲冰毫而皎絜增輝瑞謀歸美皇猷 協太陰之瑞
應千歲之祥 靈鏡效珍

晉張浚頌被白含文 梁簡文白兔四靈可邁既驗
玉衡之精千歲變采有符明月之狀豈殊丹岫之羽

下止帝梧庶比素質之禽得游君圃。度信頌光鮮。越雉色麗秦狐月德符祥金精表瑞。

唐獬豸

開元十九年九月神羊產京兆興平二十年三月有一角獸肉角當頂白毛上捧識者以為獬豸。宋志解豸知曲直獄訟平則至。漢書注張揖曰獬廌似鹿而一角人君刑罰得中則生於朝廷上觸不直者獬豸眦步元墀以龍擾向彤庭而鶚視爾羊來思其儀孔嘉望表知裏揆瑜識瑕騰雙眸而舉枉從特角而觸邪神直簪筆風清衣繡分兩造之疑冠百祥。

之持守法者仰之以司南疾惡者投之於有北扶直指之角象繩愆之性

唐舞象 白象

德宗大曆十四年閏五月丁亥放舞象三十有二于荆山之陽。會要澤州奏慶雲詔曰時和為嘉祥邕州奏金坑詔曰以不貪為寶

真臘傳大曆中婆彌來

朝獻馴象十一時德宗即位珍禽奇獸悉縱之蠻夷所獻象蓄苑中元會充庭者凡三十二悉放荆山之陽常袞賀文冊國獻白象十一頭表隨萬國而來庭與百獸而率舞如知禮樂之節益盛羽儀之容。

獨孤授放馴象賦弭雄姿而屈猛志返諸林邑之野
歸爾梁山之隅時在偃兵豈嬰乎燧尾上惟賤賄寧
恤乎焚軀食豐草以垂鼻出平林而瞪目感以和樂
亦參乎百獸率舞奚必克帝庭之實駕鼓吹之車周
驅犀象漢卻駿馬

爾雅南方之美者有梁山之犀象 孟子周公驅犀

象而遠之 春秋運斗樞瑶光之星散之為象 郭

璞贊象實魁梧體巨貌詭 吳賀齊為新都太守孫

權出祖道作樂舞象權謂齊曰今定天下使殊俗貢

珍筱獸率舞非君而誰 晉咸康六年林邑獻象一

知跪拜 晉諸公讚曰南越獻象養之臯澤之中

宋元嘉元年十二月丙辰見零陵六年三月丁亥見

安成人君自養有節則至

建隆白兔頌 至道赤烏白兔 黑兔

建隆二年三月壬戌鄆州獻白兔王著作頌乾德六

年作玉兔旗 頌曰仁施動物各得其宜兔擾中林

不浴而白無思不服覲德則純不角不牙秀出中山

之族日形自色皎同空谷之駒 至道元年四月二

十九日乙巳知通利軍錢昭序表獻部內所產赤烏

白兔各一表云烏稟陽精兔昭陰瑞報火德繁昌之

兆示金方柔服之符念茲希世之珍罕有同時而見
 望宣付史館從之上謂侍臣曰烏色正如渥丹信火
 德之應也五月戊辰開封尹壽王上言大康縣招慶
 鄉華陽村民獲黑兔一以獻帝謂宰臣曰黑兔之來
 國家之慶也呂端對曰黑者北方之色兔即陰類將
 有夷狄解辮稽首於北闕之下乎 雍熙四年七月
 辛巳銀州獻白兔咸平四年五月戊子亳州貢白兔
 詔還之祥符四年八月丁未又獻之 元年十月乙未
 元密州貢白兔 六年八月甲子興元獻白兔九年九
 月遼州獻白兔天聖九年五月宿州熙寧四年九月

廬州並獲白兔

周顯德元年汜水獻紫芝三年潁州獻白兔四年五
 月癸卯學士陶穀進頌 玉兔曲毓質雪園淪精月
 殿 表記周宣舞鎬之年外攘復古按韓愈辨徐之
 說不戰米戎

乾德馴象

見後 太平興國七年閏十二月庚寅占城國遣使
 乘象入貢方物詔留象南海養之八年九月丙子
 占城獻馴象能拜伏詔養於寧陵縣

開寶 祥符白鹿

開寶七年瓊州獻白鹿加仙鹿旗祥符四年正月庚子、繇上得之、陳光叟取以獻、七年二月、幸亳州、以真源所進靈芝白鹿、列天書前、天禧三年十月十八日、後苑觀滑州所獻鹿、瞻彼中林、震于珍物、牲牲于野、標一角、以為竒、濯濯其儀、閱千齡而成白、宛如雍時之符、來伏文王之囿、皓質玉映、周穆王伐犬戎、得四白鹿以歸、

太平興國祥麟 雍熙一角獸

與國九年十月癸巳、嵐州獻牝獸一角、角端有肉、詔群臣參驗、徐鉉等以為祥麟、有司作祥麟曲、仁獸效

祥星、枵耀、羊在郊、毓質、游時呈祥。

雍熙二年閏九

月己亥、坊州進一角獸、御崇政殿、召近臣等觀之、昔風貢者鱗、今坊貢者麒麟、命秦于苑中、

嘉祐三年六

月丁卯、交趾貢異獸、二、八月二十五日、癸亥、御崇政殿、召輔臣等觀之、司馬光作交趾獻竒獸賦、其狀熊頸而鳥喙、稀首而牛身、與夫雕題卉服之士、南金象齒之珍、歎紫闥而全入、充彤庭而並陳、翔舞太和、涵濡茂澤、殊俗嚮臻、靈獸來格、雖漢室之初、黑鵬貢於絕徼、周家之隆、白雉通於重譯、不足方也、宗室叔哀進異獸歌

太平興國白鹿

見總瑞

淳化元年四月殿中丞宋炎言皇帝御極以來瑞牒昭著羽族之祥二十有七蹄角之瑞二十有六草木之異雲露之應不丁其載願以付史館從之。淳化秘閣圖畫有李贊華千角鹿黃昌白兔皆一時之絕

慶元瑞象

慶元六年十月嘉泰二年九月開禧元年八月真里富國貢瑞象

乾德五年八月有象自嶺南來至都城外獲之其後

吳越廣南交州繼獻馴象四十五頭於南薰門外王津園東北置養象所作馴象旗。熙寧六年七月放南郊教象儀制。

瑞馬

伏犧龍馬出河

書注伏犧氏王天下龍馬出河遂則其文以畫八卦謂之河圖。宋志龍馬者仁馬也河水之精

黃帝澤馬 飛黃服皂

淮南子黃帝治天下飛黃服皂高誘曰飛黃如狐肯上有角乘之壽三千歲。又有澤馬曰吉良。瑞應

圖騰黃神馬一名吉光 **選**褚白馬賦黃帝陟位飛

黃服阜 **郊祀歌**日出入章訾黃何不徠下應劭曰

一名乘黃龍翼馬身黃帝乘而仙 **封禪書**招翠黃

乘龍於沼

堯龍馬圖

見壇顛

舜乘黃

宋志舜時景星出房地出乘黃之馬

禹飛菟

吳志飛菟者神馬之名日行三萬里禹治水勤勞歷

年救民之害天應其德而至 **騷**裏神馬也亦各隨其

方而至以明君德 **隨巢子**夏后之興方澤出馬

周吉皇乘

說文馬赤鬣縞身曰若黃金名曰馮吉皇之乘周文

王時大戎獻之 **公羊疏**禮說云文王得白馬朱鬣

大貝元龜 **禮緯**白馬朱鬣瑞於文王 **山海經**大

封國有文馬縞身朱鬣名曰吉良乘之壽千歲

漢余吾馬 渥洼馬

見馬政

漢滇池神馬

見白鳥

漢澤馬

魏澤馬

晉滇池神馬

梁寶

馬頌

東京賦擾澤馬與騰黃

宋志騰黃者神馬也漢元

和中神馬見郡國

魏都賦喬雲翔龍澤馬干阜注

澤馬見上黨

顏延之賦魏德林而澤馬效質注黃

初中於上黨得澤馬

晉孝武太元十四年六月甲

申朔寧州刺史費統言晉寧之滇池縣河水周迴二

百餘里有神馬二匹一白一黑出於河中去岸百步

縣民董聰見之

梁大清元年四月神馬出梁太子

獻寶馬頌鸞眄善鳴龍儀美稱王澤效祥朱鬣降祉
千天駟百龍媒秣瑤粟委芳芻

唐龍馬

開元十二年五月太原獻異馬駒其耳如筒左右各

一十六肋肉尾無毛二十九年三月甲申滑州刺史

李邕獻馬一匹肉髮麟臆嘶不類馬聲日行三百里

邕任淄青日遇一老翁云聖主將得龍馬以應太平

遂於青州馬會思家獲而獻之

柳宗元龍馬圖贊

云明皇時靈昌郡得異馬於河帝西幸西入渭水化

為龍泳去

正觀二年九月甘州獻白馬朱鬣開元

二年正月丙寅涼州進朱駿尾白馬
張說監牧頌
 舉其神異則駒駢驤裹乘黃茲白朝刷闐風夕洗天
 泉

祥符龍駒

九年十二月癸巳群牧司言大名監產赤馬肉尾無
 鬃是龍駒

過汗漫所不游躡章亥所未迹
伯樂所選伏波所
 模目散電兮彪駁喙含丹而虎呀躡紅雲而噴玉露
 赤汗以攢花
星精降兮河嶽動天駟入兮駑駘空

夏后九代穆王八駿吁圖之駒稱德之驥
稟月
 精法星象 噴玉勒而沫素鳴金珂而響清
溢鏡
 光於金勒流雪采於花駟耀成華夏奪魄隳戎
名
 超茲白瑞掩飛黃走險鹿駭望雲龍驟
握負圖之
 瑞摠服阜之靈

玉海卷第一百九十八

曆代子年
 玉海卷第一百九十八
 三十一
 五十七

玉海卷第一百九十九

浚儀王應麟伯厚甫

祥瑞

動物

鳳 祥禽

黃帝鳳皇翔庭 銜圖 巢阿閣

淮南子黃帝治天下鳳皇翔於庭律之初生二皇鳳

至於庭伏義三代鳳止於門堯舜周室鳳至於澤德

彌澆所至彌遠德彌精所至彌近 韓詩外傳黃帝

問天老鳳象對曰鴻前麟後龍文龜身燕額鷄喙帝

齋於殿中鳳皇蔽日而至帝再拜稽首皇天降祉不敢不承命鳳乃集東園棲梧桐食竹實天老曰國安其主好文則鳳皇居之今鳳皇翔於東郊而樂之其鳴音中夷則與天相副說苑同自虎通曰止於東

園 選注引禮瑞命記鳳止帝園

春秋緯合誠圖

黃帝遊雒水上與大司馬容光等臨觀鳳皇銜圖置帝前帝再拜受圖帝坐元扈注石室名尚書中候

握河記曰堯即位七十年鳳凰止庭伯禹拜曰昔帝

軒提象鳳皇巢阿閣

見春秋正義 中候 又云黃帝鸞鳥來儀

詩正義

元命苞云鳳皇銜圖置帝前黃帝再拜受

帝王世

統黃帝坐于元扈有大鳥體被五色三文蓋鳳也

宋志黃帝黃服齋于中宮坐于元扈洛水之上有鳳

皇集不食生蟲不履生草或止帝之東園或巢于阿

閣或鳴於庭其雄自歌其雌自舞麒麟在園神鳥來

儀五十年秋七月庚申天霧三日三夜晝昏黃帝以

問天老力牧容成曰何如天老曰國安其主好文則

鳳皇居之今鳳皇翔於東郊而樂之其鳴音中夷則

與天相副天有嚴教以賜帝帝勿知也霧除遊于洛

水之上見大魚魚流于海得圖書焉龍圖出河龜書

出洛亦文篆字少昊登帝位有鳳皇之瑞高辛氏使

鼓人拊鞀鼓擊鐘磬鳳皇鼓翼而舞鳳皇仁鳥也其
鳴雄曰節節雌曰足足晨鳴曰教明晝鳴曰上朝夕
鳴曰歸昌昏鳴曰固常夜鳴曰保長

少皞氏鳳紀

左傳少皞氏鳳鳥適至故紀於鳥鳳鳥氏曆正也注
鳳知天時正義運斗樞云天樞德見則鳳皇翔

少昊氏赤燕

田侏子赤燕一羽飛集少昊氏之穴遺其丹書拾
遺記黃帝時祗支國獻重明鳥瑞應圖黃帝音樂

鳳音有元鶴集其右堯時青鶴音中律呂

堯鳳巢阿閣

荀子解蔽篇詩曰鳳皇秋秋其翼若干其聲若簫有
鳳有凰樂帝之心此不蔽之福也注逸詩也帝蓋謂
堯也堯時鳳皇巢於阿閣

堯鳳皇負圖止庭

春秋合誠圖堯坐中舟與太尉舜臨觀鳳皇負圖授
堯赤玉為柙黃玉檢白玉繩其章曰天赤帝符璽五
字揚子鳳皇踟踟匪毒之庭宋志堯在帝位七
十年鳳皇在庭

舜鳳皇巢庭鳳皇來儀

書益稷簫韶九成鳳皇來儀宋志舜即位鳳皇巢

於庭書帝命驗赤鳳來儀服虔云貌恭性仁則鳳

皇來儀晉傳咸賦感聖化而來儀兮讚簫韶於九

成中候帝舜曰朕惟不乂百獸鳳晨注百獸率舞

鳳皇司晨鳴魏志注舜禹有天下鳳皇翔書大

傳舜好生惡殺鳳皇巢其木劉向傳舜命九官衆

賢和於朝則萬物和於野故簫韶九成而鳳皇來儀

山海經丹穴之山有鳥名曰鳳皇自歌自舞見則

天子大安寧郭璞贊鸞翔女床鳳出丹穴拊翼相

和以應聖哲

三足鳥

古今通記抱朴子虞舜至孝三足鳥巢其庭漢章帝

元年鳥生三足色赤鳥三足陽數奇也典引三

足軒翥於茂木

湯白鳩

宗志白鳩成湯時來至魏黃初初郡國十九言白

鳩見晉太始八年五月甲辰白鳩二巢太廟南門

太康二年七月見太僕寺四年十二月見安定

湯黑玉

商頌疏中候維予命云天乙在亳東觀於洛黃魚

澤山濟于壇黑鳥以雒隨魚亦止化為黑王亦勒曰
元精天已受祉福

周鳳皇銜書 鳳皇歌

宋志文王孟春六旬五緯聚房後有鳳皇銜書浩文
王之都書又曰五星聚房昭理四海周公旦攝政
制禮作樂神鳥鳳皇見冀茨生麒麟遊苑鳳皇
成王援琴而歌曰鳳皇翔兮於紫庭余何德兮以
虞二靈賴先王兮息澤湊壽 作于胥樂兮民以寧
古今樂錄成王時鳳皇翔舞作神鳳操曰
鳳皇翔兮於紫庭
尚書中候周公太平制禮

鸞鳥見 周書王 且西申以鳳鳥鳥者戴仁抱義抱

信歸有信氏羌以鸞鳥巴人以比翼鳥方煬以皇鳥

方人以孔鳥 拾遺記成王四年旃塗國獻鳳雛載

以瑤華之車駕赤象至京師育於靈禽之苑及成王

封泰山禪社首文彩炳耀昭王二十四年塗循國獻

青鳳丹鶴 鸞青國有黑鳳 說文成王時氏羌獻鸞鳥

周鸞鸞鳴岐山

元命包武王受鳳書之紀 國語內史過曰周之興

也 宋志鸞鸞鳴於岐山注鸞鳳別名詩云鳳皇鳴於

于彼高岡其在岐山之北乎 選嵇康琴賦舞鸞鸞

於庭階李善引國語周文王時鸞鷲鳴岐山景福

殿賦翔岐陽之鳴鳳注引鸞鷲正觀政要魏證上

疏昔周文王遊於鳳皇之墟禮系解顧左右莫可使

者乃自結之周文之朝盡為俊乂書正義卷阿歌

成王之德其九章曰鳳皇鳴矣于彼高岡鄭云因時

鳳皇至固以喻焉

周文翰

爾雅注逸周書曰文翰若彩鷄成王時蜀人獻之

漢志管仲曰古之封禪西海致比翼之鳥爾雅謂之

鷁書目師曠禽經一卷晉張華注按康成釋深衣

疏謂其語出禽經今此書無有東京賦鳴女牀之

鸞鳥舞丹穴之鳳皇注女牀山名在華陰西六百里

山海經曰女牀之山有鳥狀如鶴五色文名曰鸞鳥

見則天下安寧丹穴之山有鳥如鵠五采名曰鳳皇

飲食自歌自舞見則天下安寧穆天子傳仲秋丁

巳天子射鹿于林中乃飲于孟氏爰舞白鶴二八

周赤鳥 白雉

中候周紀武王渡孟津有火自上復于下至于王屋

流為鳥其色赤其聲魄命仲舒曰墨子赤鳥銜珪

降周之岐社曰命周文王代殷詩臣工於皇來牟

箋赤鳥以牟麥俱來。

思文正義書說曰鳥有孝名。

武王卒父業故鳥瑞臻赤周之正穀記后稷之德禮

說曰武王赤鳥穀芒應史記封禪書周有火德有

赤鳥之符。呂氏春秋文王之時赤鳥銜丹書集于

周社故其色尚赤。魏志楊阜上疏曰文王有赤鳥

之符。許芝曰湯之王白鳥為符 吳志張紘書曰殷

湯有白鳩之祥周武有赤鳥之瑞。宋志武王有火

自天止于王屋流為赤鳥鳥銜穀焉。述異記周成

王元年貝多國人獻舞雀周公反命之。韓詩外傳

成王之時越裳氏重九譯而至獻白雉於周公。宋志越

周赤雀

詩文王正義中候我應及雒師謀說文王之事言赤

雀丹書易通卦驗言文王得赤鳥而演易是類謀曰

受赤雀丹書春秋元命苞曰鳳皇銜丹書於文王之

都六藝論言瑞命之事云湯登堯臺見黑鳥至武王

渡河白魚躍文王赤雀止於戶秦穆公白雀集於車

宋志周文王時赤雀銜丹書來至 春秋考異郵

黃帝將興有黃雀赤頭立於日旁帝曰黃者土之精

赤者火之榮雀者爵也今當王立大功乎

漢赤鴈

武紀太始三年二月宋志行幸東海獲赤鴈作宗

屬之歌禮樂志郊祀歌系載瑜十八赤鴈集六紛

負殊翁雜翁鴈頭五采文神所見施社福登蓬萊結

無極

漢甘泉群鶴

武紀後元元年二月詔曰朕郊見上帝膳正巡于北

邊見群鶴留止以不羅罔靡所獲獻薦于泰時光景

並見其赦天下

漢青雀

初學記洞冥記漢武帝生時有雀註群翔於灊城門改

為青雀門乃飾以錦文石為列錢之形漢武內傳

有蒙山白鳳

漢鳳皇

詳見總瑞一漢紀昭帝始元三年冬十月鳳皇集東

海遣使者祠其處元鳳元年改胡注應劭曰三年中

鳳皇比下東海海西樂鄉於是以冠元宣帝本始

元年五月鳳皇集膠東千乘四年五月集北海安丘

淳于二縣屬地節二年夏四月集魯郡群鳥從之元

康元年三月詔曰鳳皇集泰山陳留表是歲少府

足美城亦西水太情不二年三月以鳳皇集賜爵神爵二
年二月詔曰迺者正月乙丑鳳皇甘露降集京師群
從以萬數其赦天下志醉河東之明年正月鳳皇集
也四年二月詔鳳皇集京師鸞鳳萬舉羣覽翔翔止
于后土祠旁十月鳳皇十一集杜陵十二月集上林
齊紀志乃作鳳皇疑五鳳三年三月辛丑鸞鳳又集
長樂宮東闕中木上飛下止地文章五色留十餘刻
吏民並觀先因是鳳皇改元甘露二年正月詔迺者鳳皇
甘露降集三年二月詔曰迺者鳳皇集新蔡群鳥四
面行列皆向鳳皇立以萬數講德論鳳皇來儀

翼翼邕邕群鳥並從舞德垂容神雀仍集麒麟自至甘露滋液嘉禾櫛比

漢黃鵠下太液池 黃鵠經祠壇

昭紀始元元年春二月黃鵠下建章宮太液池中公卿上壽賜諸侯王列侯宗室金錢各有差臣瓚曰漢用土德服色尚黃鵠色皆白而今更黃以為土德之瑞故紀之師古曰黃鵠乃大鳥一舉千里非白鵠也西京雜記帝作黃鵠歌曰黃鵠飛兮下建章羽肅肅

行踰踰 古今注惠帝五年七月黃鵠集蕭池

後章紀元和二年二月辛未幸泰山黃鵠三十經祠

萬曆十六年 廿五 江騰蛟

壇上東北過于宮屋翺翺升降

東觀記云白鶴

漢神爵集泰山

宣紀元康三年春神爵數集泰山賜諸侯王丞相將軍列侯二千石等帛有差賜吏爵二級民一級女子百戶牛酒鰥寡孤獨高年帛

漢神爵集雍

元康三年六月詔曰前年夏神爵集雍晉灼曰漢注神爵大如鷄爵黃喉白頭黑背腹斑文今春五色鳥以萬數飛過屬縣翺翺而舞欲集未下其令三輔毋得以春夏摘巢採卵彈射飛鳥具為令
郊祀歌長麗前採光耀明注臣瓚口長

離靈鳥舊說云鸞也

宋志五鳳三年正月神雀集

京師神鳥者赤神之精風俗從則至

漢神爵集長樂未央北宮 萬歲宮 威

鳳 潁川鳳皇

紀元康四年三月詔曰迺者神爵五采以萬數集長

樂未央北宮高寢甘泉泰畤殿中及上林苑朕之不

逮寡于德厚屢獲嘉祥非朕之任其賜天下吏爵二

級民一級女子百戶牛酒三老孝悌力田鰥寡孤獨

帛明年改神爵元年神爵元年二月詔曰迺元康四年神爵

仍集南郡獲白虎威鳳為寶晉灼曰鳳之有威儀者與尚書鳳皇來儀同意

嘉靖丁巳年

爵 **拾遺記**章帝時條支國貢異瑞有鳥名鳩鵲形高七尺鮮人語其國太平則群翔漢武時四夷賓服有獻馴鵲若有喜樂事則鼓翼翔鳴前西域傳贊鉅象師子猛犬大雀之羣食於外園條支國臨西海有大鳥

漢白燕

宋志白燕者師曠時銜丹書至漢元和中見郡國宋元嘉元年七月壬戌集齊郡白鳥王者宗廟肅敬則至晉咸寧五年七月戊辰見齊南隰太康元年五月庚午見襄城十年五月丁丑見長安明帝泰寧二年

十一月見京都宋元嘉二年十一月丙辰見山陽白

雀王者爵祿均則至漢元和初見郡國章和中白晉雀見捷為晉

咸寧元年見梁國太康二年六月丁卯二見河內河

南宋元嘉十八年山陰獻白鳩何承天上頌曰翻

翩者鳩亦皎其輝理翻台領揚鮮帝畿二十四年九

月庚戌又見沈演之上頌曰有哲其儀時惟皓鳩性

颺五教名編素丘殷曆方昌婉翹來遊漢錄克韓爰

降爰休豈伊赴林必周之羽豈伊歸義必商之所惟

德是依惟仁是處育景暉嶽濯姿帝宇雉飛越裳鷺

起西雍烝然戾止實兼斯容晉咸寧元年四月丁

二月 辛亥 鳳皇將九雛見于豐城甲子復見五年四月
月巳未見沔北 宋元嘉十四年正月戊戌鳳皇二
見于都下衆鳥隨之改其地曰鳳皇里 吳薛綜鳳
頌 晉顧凱之傳咸賦 郭璞贊

晉神雀

樂志傳元改黃爵行爲伯益言赤鳥銜書有周以興
今聖皇受命神雀來也朱雀作南宿鳳皇統羽群赤
鳥銜書至天命瑞周文神雀今來遊爲我受命君
郭璞傳明帝卽位踰年暨陽縣言赤鳥見璞請改年
肆赦 隋開皇十六年神雀降含章闈召百官賜宴

善心於坐請

植嘉爵之篇

獻亦荀文表

希代而

唐白雉

武德二年正月寧州獻白雉正觀十六年八月申州

白雉

紀武德元年十一月戊申葉獻異獸奇禽

謝觀白雉賦歷雉門而捧進隨鴻臚而登入利

王植脩領縞戢其淨珉象其神靈冥時清之化

日落之能

唐赤雀 神雀臺

五月三日 肱赤雀巢于殿門宴五品已

十餘人正觀四年三月赤雀見萬年二十

言赤雀見開元十七年五月甲寅有赤

雀見開元十三年九月兗州奏白雀見十月

地理志陝州峽石東有神雀

瑞應圖王者奉已餘

雀見

唐蒼鳥 五色鴈

正觀九年十二月京師蒼鳥見正元十一年二月同

州獻五色鴈 禮斗威儀江海不揚波東海輸之蒼

鳥 宋志君孝慈則蒼鳥來宋大明元年五月蒼鳥

見襄陽

唐瑞雉

正觀十六年一云十七年四月二日皇太子初立有雄雉

飛集東宮明德殿前上問褚遂良是何祥對曰昔秦

文公時童子化為雉雌者鳴陳倉雄者鳴南陽童子

言曰得雄者王得雌者伯文公遂以為寶雞祠漢光

武得雄遂起南陽有四海陛下舊封秦故雄雉見於秦地

唐三足鳥 白鳥 赤鳥

正觀十七年五月雍州獻三足鳥 正元十一年六月河陽獻白鳥十一月巳酉潭州獻赤鳥 李雲卿京兆獻三足鳥賦瑞表孝紀名標秘圖 張說進白鳥賦有莫黑之凡族忽變白而効靈感上仁於孝道合中瑞於祥經貺集王屋飛隨帝輦捧日高翥迎風細轉鑿深心於反哺移報德於君親雪羽霜毛冰清玉狀 裴度白鳥呈瑞賦懷恩反哺養素來儀不染

而成因心之孝惡赤黑之眩人乃成形於皓皓

唐慈鳥

五行志開元二十八年四月庚辰慈鳥巢宣政殿拱

鵠集麟德殿 見頌類

今狐楚賀白鳥表宣武

進白鳥并圖按漢成帝時白鳥集於文武廟黑鳥皆從頰類此圖

唐白雀

正元十五年正月潞州進白鳥二十一年七月辛卯又獻白雀十三年四月幸興慶宮龍堂禱雨有一白鷗鷄浮沉水際群類翼從左右以為龍之變化既而大雨

玉海卷一百九十九
柳宗元表云靈禽群翔自成行列如隨威鳳以翼龍舟。謝觀白雀賦黃以為名赤以為翼銜丹書以告社執玉環以述職。開元乙卯歲東夷貢白鷹蘇頲作贊。

建隆 咸平鸚鵡

建隆二年七月己卯隴州進黃鸚鵡亳州進芝草鄆州進白兔學士王著作頌。淳化三年十二月闍婆貢白鸚鵡。咸平六年九月壬辰蒲端國獻紅鸚鵡。祥符四年五月丁亥又貢。漢武元狩二年夏南越獻能言鳥注即鸚鵡也今隴

西及南海有之。宋元嘉二十九年南平王鑠獻赤

鸚鵡詔群臣為賦袁淑謝莊作賦大明三年正月丙

申婆皇國獻赤白鸚鵡各一。隋開皇十八年林邑

獻白鸚鵡貢士試賦杜正元作賦。唐太宗時屢有

茲獻以勞費弗受見漢書顏師古注。開元八年五

月南天竺獻五色鸚鵡十四年十月己巳有五色鸚

鵡育宮中帝令左右試牽御衣鳥輒噴目叱咤岐王

文學能延景獻鸚鵡篇以贊其事張說表賀十八年

四月甲午廣州獻紅鸚鵡。元和八年訶陵獻五色

鸚鵡頰伽鳥。南州異物志云有三種白青五色交

州以南諸國有之白及五色者性尤慧解 禰衡鸚

鷓賦體金精之妙質含火德之明暉紺趾丹紫綠衣

翠衿配鸞皇而等美焉比翼於衆禽 傅元賦奇毛

曜體綠彩含英鳳翔鸞跼孔質翠榮 李百藥賦繡

領綺翼紅衿翠裳碧鷄仰而寢色金鷓對而韜光游

萬年之水末翫四照於花叢 謝莊赤鸚鷓賦月圖

光於綠水雲寫影於青林審國音於寰宇達方聲於

裔表 曹毗賦丹喙含暎紺葩煥翼 曹植賦羨中

州之令鳥超衆類而殊名 顏延之白鸚鷓賦稟儀

素域 魏志注牙獸猨膝言鳥告歡

端拱丹鳳

端拱元年八月廣州清遠縣有鳳高六尺衆禽從之

淳化元年撰丹鳳曲

雍熙白鳥

二年五月壬申霸州獻白鳥十二月壬寅潭州獻白

雀四年六月癸卯邢州進白鳥淳化四年十一月癸

亥隴州獻白鷹詔還之 太平興國九年十月內出

潁川所獻白雉明年春廷試貢士以為賦題 春秋

感精符帝德滂流四表則白雉見 治平三年還陳

至道赤鳥

嘉靖丁巳年

至道元年四月乙巳知通利軍錢昭序表獻赤烏白
 兔各一見前上謂侍臣曰烏色正如渥丹信火德之
 符矣淳化五年七月二十四日處州進白鵲祥符
 五年正月辛未虔州獻白鵲十一月梓州獻白鵲一
 六年十一月辛酉嵐州獻赤烏李繼隆在北邊獲
 白鵲作詩以獻太宗和賜之汪藻賀赤烏白鵲表烏本陽精鵲知歲事祚隆火德
 應在金穰協周家玉屋之符異莊子雕陵之見孝能
 致哺喜必傳音有生咸遂宜多可俯之巢同類相求
 將致來儀之鳳

祥符神雀

五年十一月丙申朝元殿恭謝玉皇奉天書行事禮
 畢有神雀及二鶴來集上作詩記之六年十月辛巳
 神雀集真遊殿寶元二年二月乙酉興州長舉縣
 有鵲羽毛潔白紫脚紅不類常鵲五行志

景德鳳皇圖

元年八月十七日巳巳白州言五月七日午時鳳皇
 三自南入城中至萬歲寺前棲百尺木身長九尺高
 五尺其文五色冠如金琰至申時北向而去畫圖來
 上宰臣奉表賀三年作丹鳳曲

伊九苞之神鳥稟至陽之純粹負禮蹈信戴仁綴義
瞻元扈而來思望黃紳而必至感六英而鼓舞聞九
成而來儀應升中而降止覽德輝而下之感唐堯而
負圖為少昊而司歷或五雛而十子或三文而五色
因之作歿為之改年其羽翩翩其鳴鏘鏘晨云賀世
集曰歸昌韓詩外傳鳳鳴曰歸昌出丹穴而德茂降紫庭而道
光吳淑賦矯矯長離振羽來儀和音中律藻翰揚
輝丹鳳曲

龜魚

伏羲龜書

見河圖

黃帝元龜

堯龜曆

龜負圖

黃帝魚符

魚圖

見圖類

禮含文嘉

伏羲德洽上下地應以龜書

一作書

乃象作

卦堯德廣被四表龜龍致瑞

黃帝出軍決帝伐蚩

尤夢西王母遣道人披元狐之裘以符授之力牧與

帝俱到盛水立壇祭以太牢有元龜銜符從水中出

置壇中而去視之乃所夢得符也

河圖堯沈璧於

洛大龜負圖

帝王世紀黃帝遊洛水見大魚魚流

于海始得圖書今河圖帝視萌之篇是也

述異記

陶唐之世越裳國獻千歲神龜方三尺餘背上有文

皆科斗書記開闢以來錄以為龜曆

梁劉孝儀上

毛龜表元蔡赤文表軒皇之政神龜青純彰如公之

德堯則赤文而朱字周有青純而蒼光

爾雅注河圖曰靈龜負書丹

甲赤文

史記龜策傳龜千歲乃游蓮葉之上神龜

出於江水中廬江郡常歲時生龜長尺二寸者二十枚輸太卜官龜千歲乃滿尺二寸萬畢石朱方傳

曰有神龜在江南嘉林中巢於芳蓮之上左脅書文

曰甲子重光

玉靈夫子

索隱曰尊神龜而為之作

號

書中候堯沈璧於洛元龜負書赤文朱字沈璧

於河黑龜出赤文周公攝政七年成王觀於洛沈璧

禮畢有元龜青純蒼光背甲刻書上躋于壇赤文成

字周公寫之

樂記

青黑緣者天子之寶龜

書禹

貢九江納錫大龜

顏師古曰尺有二寸

大誥寧王遺我大寶

龜

宋志禹卑宮室靈龜見

天與禹洛出書神龜負文列背而出

孫惠龜賦有緇衣之大夫衣元繡之衣裳

魏曹植

神龜賦懼沈泥之逢殆赴芳蓮以巢居

湯黑龜

宋志湯至于洛沈璧黃魚雙踴黑鳥隨魚止壇化為

黑王又有黑龜竝赤文成字王者德至淵泉則雒出

龜書

湯黃魚出壇

禹曆丁亥年

禹曆丁亥年

禹曆丁亥年

詩正義中候湯沈璧洛水黃魚雙躍出濟于壇化為黑玉

周魚入王舟

詩思文疏中候合符后云魚長三尺赤文有字題之目下授右

董仲舒傳天瑞應誠而至書曰白魚入于王舟有火復于王屋流為烏

注今文泰誓此蓋受命之符也周公曰復哉復哉

武王九年祭于畢觀兵于孟津中流白魚躍入王舟王俯取以司馬相如傳周躍魚墮杭休之以燎

傳皆武王中流未濟白魚入於王舟俯取以燎群公咸曰休哉

白魚登舟順也象征而必獲

周青純龜

公羊傳龜青純注千歲之龜青純瑞應圖尚書中

候周公時神龜青純赤字

漢周餘龜

司馬相如傳獲周餘放龜于岐洞冥記元封二年

鄭過國獻能言龜史記樂書青黑綠者天下之葆

龜也

漢神魚舞河

宣紀神爵元年三月行幸河東詔曰東濟大河天氣

清靜神魚舞河

漢海效鉅魚

宣帝詔武帝躬仁義厲威武上天報況海效鉅魚
郊祀歌河龍供鯉醇犧牲

漢神魚

宋志章帝元和三年正月車駕北巡以太牢具祠北
岳見黃白氣有神魚躍出十數

管仲曰古之封禪東海致比目之魚

爾雅謂之鱮

魏神龜

魏畧文帝初神龜出靈芝池

魏丹魚

五采魚

見上

魚生廟鼎

魏都賦丹魚生沼注延康元年赤魚見於太原郡
王肅賀瑞表祖廟文昭廟魚生于鼎易中孚彖曰信
及豚魚德及魚則無所不及

唐靈龜

正觀十九年二月岳州獻毛龜二
元宗先天二年
八月江州獻靈龜六眸腹下有元文象卦文開元二
十四年八月戊申常州有神龜見綠毛黃甲大曆八
年七月乙未蓬萊池獲毛龜出示百僚壬寅金天門
外水渠中獲綠毛龜
天寶元年正月戊申安西都
護田仁琬於于闐東玉河獲瑞玉龜一畫以獻
蕭

頴士千秋節進毛龜云出洛登壇青文丹甲之瑞翠
毫金介爍日霏煙 憲宗永正元年八月庚戌荆南
獻毛龜二詔祥瑞不得上聞

宗志神龜王者德澤湛清則出五色鮮明三百歲遊
於菹葉之上三千歲常遊於卷耳之上明於吉凶

宋文帝三獲白龜大明四年六月壬寅幸籍田白龜
見于千畝泰始二年八月丙辰朔四眼龜見會稽六

年九月巳巳吳興獻八眼龜 齊永明五年六月建
城獲四目龜八月延陵獲六目龜

梁天監五年四月丙申始豐獲八月龜 後魏裴莊

獨孤由叔資州獻白龜賦皇帝在位

十五載西人獻異龜於王庭 孟津之鱗 越裳之

瑞 周存瑞龜游宮忍賦序云十一年秋七月旬有

一日龜游內池甲耀金毛文滋六彩 文爲九疇地

三吉 六時在首五色成文 元甲繡裳

唐赤鯉

景龍三年春二月元宗至於襄垣漳水有赤鯉騰躍

聖皇之瑞也潘炎賦曰魚在在藻躍于中流吾君民

止樂我王洪惟赤鯉之呈祥殊白鱗之入舟非竹箭

之危滿無聞點額同昆明之望幸匪爲吞鈎豈其爲

祥必河之鯉用表皇族克繁帝社頡頏耀彩碧水無
波周文之時躍於沼漢宣之代舞于河豈徒鑿甲茸
鱗下沿上沂

唐魚銘 神魚 見十九瑞

開元二十一年二月衢州獲魚有銘侍中裴光庭等
奏賀曰魚龍為圖河洛所出比之盛時彼何足云
張九齡賀瑞魚銘曰魚為龍象既彰受命之元銘作
人文更表錫年之永 崇文目異魚圖五卷

唐白龜

韓愈賀表鄂岳進白龜獲龜者獲蔡也白者西方之

色必擒其師而得地聖德所施靈物來效太平之運
其在於今

乾德神龜 雍熙白龜 祥符瑞龜

乾德四年和州進綠毛龜作神龜曲雍熙中蘇州貢
白龜作白龜曲至道三年真宗即位五月癸酉蘇州
貢白龜一綠毛龜一甲戌壽州貢綠毛龜一帝曰龜
有毛者文治之垂祥符三年四月甲戌宜聖殿池獲
綠毛龜示輔臣上作七言詩近臣和四年七月甲申

賜晏頴出身頴獻文藁十卷上嘉其宮沼瑞龜賦召
試三題而命之

祥符九年荆門
獻之詳見御詩

五年三月庚辰兗州

獻金色龜一。四月辛酉，後苑池中獲綠毛龜，上作七言詩，閏十月己丑，新州獻盧江六眼龜。七年正月丙辰，明州獻青毛金文龜一。丘遲賀毛龜啓：元甲應於姬渚，青髯符於夏室，歲采千載，獻狀一朝。寶瑞開圖，珍祥異謀。懷星抱月，負字銜書。吳淑賦：負河圖之八卦，標禮經之四靈。

齊永明中，有獻青毛神龜一。禮統神龜之象，上負

灋天下方灋地，皆有盤法。丘山元文交錯，成列宿運。

轉應四時。禮斗威儀君乘水而王，江海著其象。龜

龍被文而見。運斗樞瑤光星散為龜。星經天龜五

雍熙綠龜 見御詩 六眸龜 見後

至道元年七月丁巳，永州言零陵得六眸龜一，以獻。詔示近臣，祥符九年九月戊午，遼州獻白兔，荆門軍獻綠毛龜。詔申諭諸路，自今祥異，勿復來貢。嘉祐八年十月，鼎州芝草叢生，下得異龜，名符在沼，瑞應巢蓮。戴禮以在宮，沼為王者難致之瑞。墨子：夏后鑄鼎於昆吾，灼白若之龜。

替

漢野蠶成繭

古今注：元帝永元四年，東萊郡東牟山有野蠶為繭。

嘉祐丁巳年 玉海卷一百九十九 三下 刊

光武紀建武二年野蠶成繭被於山阜人收其利
吳都賦國稅再熟之稻鄉貢八蠶之絲交州記曰一歲八蠶

唐野蠶成繭 綠蠶 蠶四熟

武德五年四月梁州野蠶成繭正觀十二年滁州言
野蠶成繭徧於山阜九月楚州言野蠶成繭正觀十二年
是歲滁豪二州野蠶成繭十三年是歲滁
州野蠶成繭十四年六月滁州野蠶成繭
十三年野蠶又食柵葉成繭其色綠凡收六千五百七十石十
四年六月又收八千三百石文宗開成二年十月陳
許奏野蠶自生桑上三遍成繭連綿九十里百姓以

為絲綿細絹代宗大曆五年九月太原奏文水縣冬
蠶成繭 尹思正治青州有績蠶至歲四熟路敬潛
以為善政致祥 天寶元年九月益州獻三熟蠶繭

宋朝野蠶成繭

乾德四年八月京兆府野蠶成繭節度使吳廷祚織
絲以獻纖潤可愛開寶七年齊州奏野蠶成繭二萬
枚五月開封封丘民家蠶簇有繭成被廣五尺長倍
之七月陽武縣野蠶成繭九月長葛縣桑蠶成繭

咸平二年七月庚戌開封獻野蠶絲祥符元年五月
丙戌內出酸棗民程矩家蠶自成被付朝堂示百官

輕黃密綴非人力可及五年五月藤州鍾津縣野蠶
成繭是州不產蠶此食山柘而成州緘絲以奏六年
六月藤州山柘蠶成繭七月京兆野蠶成繭八月亳
州桑蠶成繭奉祀使丁謂繅絲并絮以奏景祐四年
五月庚申滑州言靈河縣民家蠶自成被長二丈五
尺廣四尺上以為祥賜其家茶絲嘉祐五年十月深
州言野蠶成繭被于原野石州嘉禾合穗紹興二十
二年五月容州奏野蠶成繭

宋元嘉十六年宣城宛陵野蠶成繭彌漫林谷大明

三年五月癸巳宛陵生野蠶三百餘里 吳黃龍三
年夏野蠶成繭

漢志雜占有相蠶十三卷 **崇文目**農家淮南王蠶

經三卷孫氏蠶書二卷 至道元年五月十九日同

州馮翊民李元真獻蠶經一卷留書禁中

禹貢兗州桑土既蠶青州篚檠絲山桑 史記二公會

績 禹敷兗土叙文篚於既蠶周述豳風首懿箱於載

績 桑壇繭館 園客之絲 列仙傳繭大如盆 水蠶

之繭 拾遺錄東海圓嶠山有水蠶五色絲織為文錦

展北郊之禮趨南陌之功 仙蠶曳繭美家抽芒

葛曆丁亥年

二子六丁

三三

崔融表

扶桑貢絲

梁四公記扶桑國貢黃絲二百

斤成匪婦功不假柔桑之育化由天造奚煩燠室

之居或類八綿不資三灑周禮馬質注蠶書蠶

為龍精月直大火則浴其種漢書繭不蠶自成

荀子揚泉有賦占之五泰唐張良器海人獻冰

蠶賦自堯年而效美願克垂拱之裳被阜以生漢

庭熙洽食糲而化唐室隆平異吳都之八蠶伴園客

之五色

玉海卷第一百九十九

